



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N 91/5418

< 11 > 09 2022թ.

Վազգեն Արսենի Զոհրաբյանին  
Հասցե՝ ք. Երևան, Ամիրյան 15 շ. 50 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8200126314 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ <<3>> թերթ:

Պետ,  
Ոստիկանության գնդապետ՝

Ա. Ումրշատյան

Կատ. Ս. Ասատրյան

## Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 13.03.2022թ.-ին կայացված թիվ 8200126314 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 08 >> 04 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, վերանայելով Վազգեն Արսենի Զոհրաբյանի (Ծանուցման հասցե՝ ք. Երևան, Ամիրյան 15 շ. 50 բն.) (Այսուհետ՝ դիմող) 15.03.2022թ. դիմումի հիման վրա հարուցված վարչական բողոքարկման վարույթի նյութերը,

## Պ Ա Ր Զ Ե Ց Ի

13.03.2022թ.-ին՝ ժամը 18:10-ի սահմաններում, Երևան քաղաքի Երզնկայան թանգում գնդի «Արշակ» մարտի 37 ԱԿ ՕՍԴ խաչմուտման համարակից տրանսպորտային միջոցը վարել է առանց գործող ԱՊՊԱ պայմանագիր: ՀՀ ոստիկանության պարեկային ծառայության Երևան քաղաքի գնդի 2-րդ գումարտակի 2-րդ վաշտի պարեկ Էդուարդ Վարդանի Բաղդասարյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն՝ «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն և կայացվել է թիվ 8200126314 որոշումը՝ դիմողին 100.000 ՀՀ դրամի չափով տուգանելու մասին:

Դիմողը 15.03.2022թ.-ի դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 13.03.2022թ. կայացված թիվ 8200126314 որոշումը՝ մասնավորապես նշելով, որ տրանսպորտային միջոցը արձանագրություն կազմելու պահին ունեցել է գործող ԱՊՊԱ պայմանագիր, սակայն կատարվել է հաշվառման համարանիշերի փոփոխություն և դիմումին կից ներկայացրել ԱՊՊԱ պայմանագրի օրինակը:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով

13.03.2022թ. կայացված թիվ 8200126314 որոշումը ենթակա է բեկանման՝ հետևյալ պատճառաբանությամբ.

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողին ուղարկվել է ծանուցում՝ վարչական լսման օրվա և ժամի վերաբերյալ:

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոց վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Պարեկային ծառայողների կողմից տրված պարզաբանման համաձայն՝ դիմողի կողմից տրանսպորտային միջոցն առանց գործող ԱՊՊԱ պայմանագիր վարելու փաստը արտացոլվել է ՃՈ էլեկտրոնային ռեգիստրում, որի արդյունքում էլ կայացվել է համապատասխան որոշումը:

Ճանապարհային ոստիկանության էլեկտրոնային ռեգիստրում առկա տվյալների համաձայն՝ «LEXUS GX 470» մակնիշի JTJBT20X950089595 նույականցման համարով տրանսպորտային միջոցի վրա տեղադրված են եղել 35 GM 673 հաշվառման համարանիշեր: 35 GM 673 հաշվառման համարանիշերով «Ռոսգոսստրախ Արմենիա» ԱՓԲ-ի հետ կնքվել է ԱՊՊԱ պայմանագիր, որը գործողության մեջ է 09.04.2021թ.-ից մինչև 08.04.2022թ.-ը: Այնուհետև կատարվել է հաշվառման համարանիշերի փոփոխություն և վերը նշված տրանսպորտային միջոցի վրա տեղադրվել է 37 LX 007 հաշվառման համարանիշերը:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի

կարող սկսվել, իսկ սկսվածը ենթակա է կարճման եթե բացակայում է վարչական իրավախախտման դեպքը կամ կազմը:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

### Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 13.03.2022թ. կայացված թիվ 8200126314 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և պարեկային ծառայության Երևան քաղաքի գունդ:

Պետ.  
նստիկանության գնդապետ՝



Ա. Ումրշատյան